

INVITASJON TIL DÅPSSKULE



Å høyra til

TRUSOPPLÆRING I KYRKJA I SULDAL

Hei!

Me håpar at du, som går i 1. eller 2. klasse på Jelsa skule, har lyst til å vera med på **dåpsskule i kyrkja fem tysdagar rett etter skulen.**

Du har tidlegare fått ei bok som heiter **Tre i eit tre.**

(Viss du ikkje har fått boka, kan du få på dåpsskulen)

Huskar du Hoppeklinken, Somlesinken og Bokfinken?

- eller dei heiter jo eigentleg Erlend, Stian og Tuva - dei som har ein hemmeleg klubb i eit hemmeleg tre.

På dåpsskulen skal me lesa *litt* frå den boka, men det er lurt om du les meir heime saman med dei vaksne der.

Barna i boka snakkar om mange ting: om å vera vener, at alle er forskjellige, om Gud og Jesus, bibelen og kyrkja, dåp, nattverd, jul, påske og pinse. Noko av dette skal me snakka om på dåpsskulen òg. Kanskje me av og til gjer noko som liknar på det dei finn på i boka.. ?

Me skal eta ilag og av og til leika litt ilag eller laga noko.

Det heiter dåpsskule, men det betyr ikkje at du treng å vera døypt for å vera med. Alle som går i 1. eller 2. klasse på Jelsa er velkomne!

Me gledar oss til å vera saman med deg på dåpsskulen!

Helsing

Turid (Børtveit Skjelstad, kyrkjelydspedagog)

og Ingrid (Sigstad, medhjelpar på dåpsskulen)

Til dei føresette:

Dåpsskulen er 5 samlingar i kyrkja (rett etter skulen), og deltaking i ei gudsteneste ein søndag formiddag

Følgjande **tysdagar** er sett opp for dåpsskulen (litt pausar innimellom p.g.a. fridagar og at Turid skal reisa litt ☺):

17. april, 24. april, 8. mai, 29. mai og 5. juni
frå ca 14.00 til 15.30

Barna blir henta på skulen. Dei som skal på SFO etterpå blir følgde dit. Dei andre må hentast ved kyrkja.

Søndag 10. juni kl.11.00 deltek me i gudstenesta. Då håpar me heile familien vil setja av dagen!

Velkommen!

Ta gjerne kontakt om de lurer på noko. Skulle nokon ha eit barn med behov for ekstra hjelp eller omsut er det fint om me får beskjed om dette. Likeeins om nokon har matallergi.

Påmelding:

Me vil helst at påmeldinga skal skje via kyrkja si nettside:

www.suldal.kyrkja.no

Får de ikkje dette til, så bruk:

mail: turid@suldal-kyrkje.no

eventuelt SMS til Turid 98 43 72 73

(helst) **innan:** fredag 13. april

Påmeldinga skal innehalda følgjande opplysningar:

Namn på barnet

Mobilnummer til minst ein av foreldra

Mailadresse til minst ein av foreldra

Skal barnet tilbake til SFO, eller blir det henta ved kyrkja 15.30?

Matallergi?

Info til heimane:

«Å høyra til»

Trusopplæring i kyrkja i Suldal

Å høyra til ein stad er svært viktig for alle menneske.

Barnet høyrer, frå fødselen av, til i familien, i ei bygd i Suldal kommune, i Noreg....

Er barnet døypt, blei det sagt ved døypefonten at det òg høyrer til Jesus Kristus. Samtidig blei det medlem i Den norske kyrkja. Me vil at barnet skal få kjenna at det høyrer til i kyrkja si i Suldal og at det skal bli kjend med Jesus, som det blei døypt til, slik at det kan bli verande i trua på han.

Det barnet lærer om tru heime, er det som betyr aller mest. Men fadrar og kyrkjelyd blei på dåpsdagen gitt eit ansvar for å stå saman med heimen om formidlingsoppgåva.

Dåpsskulen er eit av tilboda kyrkja gir.

Trusopplæringa i kyrkjene våre inkluderer også barn som ikkje er døypte. Dei som står i kyrkja sitt medlemsregister fordi minst ein av foreldra er medlem, får automatisk invitasjon. Men andre er òg velkomne dersom dei føresette ynskjer det!

Dette kan me tilby i kyrkja i Suldal:

Frå nyfødd til fylt 1 år: Babysong

1, 2 , og 3 år: Helsing eller gåve til dåpsdagen

3 år: «Krøllekveld»; ei samling i kyrkja

4 år: 4-årssamling i kyrkja og utdeling av 4-årsbok i ei gudsteneste

5 år: Barnebibel til dåpsdagen

6 år: Utdeling av 6-årsboka «Tre i eit tre» i ei gudsteneste

6 eller 7 år: Dåpsskule i løpet av 1. eller 2. klasse

8 eller 9 år: Tårnagenthelg for 3. klassingar

10 eller 11 år: Utdeling av «Bibelen – ei vandring gjennom den store forteljinga» i ei gudsteneste.

11 år: 5.-klasseleir på Furutangen leirstad på Randøy

14-15 år: Konfirmasjonsførebuing og konfirmasjon

Kyrkja sitt tilbod går berre over ein dag, ei helg eller ein kort periode.

Meir regelmessig trusopplæring kan barnet få i eit av dei mange kristne barnelaga, kora eller speidargruppene i Suldalsbygdene. Me vil oppfordra til at barnet får vera med der; til dømes på miniklubben eller yngres.